

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO OBRAZOVANJA/NAOBRAZBE,  
NAUKE/ZNANOSTI, KULTURE I SPORTA/ŠPORTA  
PEDAGOŠKI ZAVOD TUZLA



# Sosiologija

# S

## PREDMETNI ISPITNI KATALOG ZA OPĆU Maturu



Primjenjuje se od juna 2006. godine

## **1. UVOD**

Eksterna matura u gimnazijama Tuzlanskog kantona se prvi put polaže 2006. godine. Predmetni katalog znanja za eksternu maturu iz sociologije namjenjen je učenicima koji su kao predmet za polaganje mature izabrali sociologiju. Sadržaji koji su odabrani za ispitivanje i provjeravanje na maturi predstavljaju najvažnije programske sadržaje iz sociologije i osnova su za uspješan nastavak školovanja na fakultetima društvenog smjera. U katalogu je data i organizacija i ocjenjivanje ispita. Sadržaji su strukturirani tako, da omogućavaju ne samo provjeru znanja iz svih oblasti predviđenih katalogom već i provjeru sposobnosti učenika, te da povezuju znanja iz različitih segmenata društva.

## **2. CILJ ISPITA**

Ovim ispitom se želi provjeriti nivo znanja koji su učenici usvojili i sposobnosti koje su razvili u skladu sa ciljevima i zadacima postavljenim u proučavanju sociologije u toku školovanja u općoj gimnaziji. Fond sati sociologije apsolviranih u toku školovanja relevantan je za ostvarivanje postavljenih ciljeva.

### **2.1 Ispitni ciljevi**

Učenici trebaju da:

- Pokažu znaje i razumjevanje iz izabranih socioloških tema
- Poznaju sociološke pojmove i metode
- Samostalno pojašnjavaju pojmove (razumiju ih i upotrebljavaju sociološku terminologiju i koncepte)
- Usvojena znanja primjene u društvu
- Analiziraju i interpretiraju podatke do kojih su došli
- Povezuju sociološko znanje sa znanjem drugih društvenih i humanističkih nauka

## **3. NAČIN POLAGANJA ISPITA I OCJENJIVANJE NA MATURI**

### **3.1 Način polaganja ispita**

- Ispit se polaže pismeno
- Polaganje ispita traje 180 minuta
- Ocjenjivanje na ispitu je eksterno
- Na ispitu se može raditi naliv perom ili hemijskom olovkom

### **3.2 Vrste zadataka i ocjenjivanje**

**Prvi dio :**

Zaokruži tačan odgovor sa ponuđenih nekoliko odgovora od kojih je samo jedan tačan ( 5 pitanja x 2 boda, max 10 bodova )

### Drugi dio:

Dopuni rečenicu, navedi tačnu tvrdnju  
( 35 pitanja x 2 boda,max 70 bodova)

### Treći dio:

Pojasni određene stavove i pojmove  
( 5 pitanja x 4 boda, max 20 bodova)

**Ukupan broj bodova za sve zadatke je maksimalno 100.**

## 4. ISPITNI SADRŽAJI

### Uvod u sociologiju

<b>Sociologija kao nauka i njen odnos prema drugim naukama i disciplinama</b>	<b>Učenik treba da:</b> -Definiše pojam sociologije - Prepozna sociologiju u odnosu na druge društvene nauke
<b>Historijski razvoj teorija o društvu</b>	-Zna osnivače sociologije -Da zna škole u sociologiji i njihove utemeljitelje -Da zna savremene teorijske perspektive -Da zna da uporedi savremene teorijske perspektive
<b>Metode i instrumenti savremenog sociološkog istraživanja</b>	-Da zna osnovne metode istraživanja - Da razlikuje upitnik, intervju, anketu -Da zna da postavi hipotezu,provjeri je i dokaže

### POJAM DRUŠTVA

<b>Osnovni pojmovi društva</b>	<b>Učenik treba da zna:</b> -Pojam ljudskog društva i njegov postanak -Vrste društvenih pojava i njihova podjela -Pojam društvenih pojava i procesa
<b>Struktura o organizacija društva</b>	-Pojam društvene strukture -Elemente društvene strukture -Društvene ustanove i organizacije -Društvenu pokretljivost -Promjene unutar strukture
<b>Klasna struktura društva</b>	Definisati i razlikovati: -kaste ,staleže ,klase -narod, nacija -etničke odnose -toleranciju

## DIFERENCIRANI OBLICI DRUŠTVENE SVIJESTI

<b>Pojam morala ,umjetnosti, filozofije,nauke</b>	<b>Učenik treba da zna:</b> -Oblike morala -Osnovne elemente morala -Pojam društvenih normi
<b>Kultura</b>	-Značajne komponente kulture - Pojam masovne kulture -Odnos kulture i društva - Potkultura i kontrakultura -Pojam kiča i šunda -Čovjek stvaralac kulture -Pojam jezika i simbola
<b>Religija</b>	-Sociološko određenje religije -Objasni religijsku raznolikost -Društvene funkcije religije -Religija i društvene promjene -Monoteističke religije -Religija i magija, sličnosti i razlike -Razlike između univerzalnih religija Pojam mita njegov nastanak i razvoj

## PORODICA ,ULOGA I DRUŠTVENE FUNKCIJE

<b>Opći pogled na prirodu i funkciju porodice</b>	<b>Učenik treba da zna:</b> -Šta je porodica -Teorijske koncepcije o porodici -Tipovi porodica
<b>Porodica kao biosocijalna zajednica</b>	-Šta su porodični odnosi -Položaj članova porodice -Vrijednosni sistem kao elemenat porodičnog života
<b>Porodica i ličnost</b>	- Položaj i uloga žene u porodici - Činioci koji djeluju na proces socijalizacije - Šta je incest, egzogamija i endogamija - Razvoj modernih porodica

## DEMOKRATIJA IZRAZ POLITIČKOG LEGITIMITETA GRAĐANA

<b>Pojam demokratije</b>	Učenik treba da zna: <ul style="list-style-type: none"><li>-Historijat demokratije</li><li>-Šta je osnova demokratije</li><li>-Koje je sredstvo demokratije</li><li>-Koje oblike demokratije imamo</li></ul>
<b>Pojam politike</b>	<ul style="list-style-type: none"><li>-Tipovi političkih poredaka</li><li>-Šta su modeli moći</li><li>-Državna organizacija vlasti</li><li>-Šta su političke stranke</li><li>-Koje vrste stranaka poznajemo</li><li>-Koji su modeli moći</li></ul>
<b>Društva u promjenama</b>	<ul style="list-style-type: none"><li>-Društveni pokret opći pristup</li><li>-Šta je društvo u promjenama</li><li>-Novo demokratsko društvo- cilj promjena</li><li>-Šta su civilna društva</li></ul>
<b>Društveni sukobi</b>	<ul style="list-style-type: none"><li>-Šta je rat</li><li>-Kakvi su industrijski sukobi</li><li>-Šta je sindikat i kolektivni pregovori</li></ul>

## SOCIJALNA EKOLOGIJA I PROBLEM PROSTORA

<b>Naselja projekcija društva u prostoru</b>	Učenik treba da zna: <ul style="list-style-type: none"><li>-Kako su se razvijala naselja</li><li>-Koji su tipovi naselja</li><li>-Koje su osnovne razlike između sela i grada</li></ul>
<b>Društveni prostor</b>	<ul style="list-style-type: none"><li>-Problem prostora selo-grad</li><li>-Posljedice industrijalizacije</li><li>-Čovjek i rad</li></ul>
<b>Demografske promjene</b>	<ul style="list-style-type: none"><li>-Kakve su ekološke promjene</li><li>-Pojam urbanizacije</li><li>-Prostor za odmor</li><li>-Kakva nam je ekološka svijest</li></ul>

## PROMJENE, RAZVOJ I DEVIJANTNOST DRUŠTVA

<b>Pojam devijantnosti</b>	Učenik treba da zna: <ul style="list-style-type: none"><li>-Koje su teorije devijantnosti</li><li>-Šta su kolektivna ponašanja</li><li>-Koje oblike devijantnosti poznajemo</li><li>-Šta su sociopatološke pojave u društvu</li><li>-Preventiva devijantnom ponašanju</li></ul>
----------------------------	---

<b>Tranzicija društva</b>	<ul style="list-style-type: none"> <li>-Šta je postindustrijsko društvo</li> <li>-Šta je postsocijalističko društvo</li> <li>-Šta je tranzicija društva</li> </ul>
<b>Pojam Evropske Unije</b>	<ul style="list-style-type: none"> <li>-Kuda vodi tranzicija</li> <li>- Novo demokratsko društvo</li> <li>-Budućnost demokratije</li> <li>- Odnos demokratskih zemalja Amerika-Evropa</li> </ul>



Šifra Kandidata

juni, 2006. godine

# SOCIOLOGIJA

## Uputstvo kandidatu:

Test popunjavajte perom ili hemijskom olovkom.

Vrijeme izrade testa: 180 minuta.

Pažljivo proučite uputstvo.

Počnite sa izradom testa, kada Vam dežurni nastavnik da potrebne upute.

Priljepite kod, odnosno upišite svoju šifru (u okvir u gornjem desnom uglu).

Pomoćne radnje, u rješavanju zadataka, radite uz tekst zadatka.

Ocjenjivač neće uzimati u obzir dodatne listove.

Pišite čitko, perom ili hemijskom olovkom. Ako pogriješite, napisano prekrižite.

Pazite da Vaš rad bude pregledan i čitljiv.

Nejasni i nečitljivi zadaci neće se bodovati.

Svaki zadatak brižljivo provjerite. Rješavajte ih promišljeno.

Uzdajte se u sebe i svoje sposobnosti.

Broj bodova, koje možete osvojiti, je 100.

Prema broju osvojenih bodova, ocjene su:

Osvojeni bodovi	Ocjena
- od 0 – 39 .....	1
- od 40 – 54 .....	2
- od 55 – 69 .....	3
- od 70 – 84 .....	4
- od 85 – 100 .....	5

Želimo Vam puno uspjeha.

I Zaokruži tačan odgovor!

1. Ko se smatra osnivačem sociologije?

- a) Ogist Kont
- b) Herbert Spenser                      Tačan odgovor je (a)
- c) Robert Merton
- d) Imanuel Kant

2. Predstavnici antičke političke i socijalne misli su:

- a) T. Akvinski
- b) Platon                                      Tačan odgovor je (b)
- c) Ibn Haldun

3. Društvena pokretljivost je:

- a) Kretanje ljudi u vremenu                      Tačan odgovor je (c)
- b) Mjenjanje mjesta boravka ljudi
- c) Mjenjanje socioekonomskog položaja pojedinca ili socijalnih grupa.

4. Nacije su:

- a) Grupe ljudi koje govore zajedničkim jezikom
- b) Grupe ljudi koje žive u istoj državi                      Tačan odgovor je (d)
- c) Grupe ljudi koje imaju zajedničku religiju
- d) Specifične narodne zajednice nastale na osnovu podjele rada epohe kapitaliza , na kompaktnoj teritoriji u okviru zajedničkog jezika i bliske etničke i kulturne srodnosti uopšte.

5. Sekularizacija je:

- a) Preovladavanje svjetovnog nad duhovnim, smanjivanje uticaja crkve i religije.
- b) Javno propovjedanje religije                      Tačan odgovor je (a)
- c) Oblik morala

II Dopuni rečenicu!

6. Šta je sociologija i šta je predmet njenog proučavanja?

.....

Odgovor: Opšta nauka o društvu. Predmet njenog proučavanja je društvo u svom totalitetu.

7. Kako Ogist Kont dijeli sociologiju?

.....

Odgovor: Dijeli je na socijalnu statiku i socijalnu dinamiku.

8. Koja su tri osnovna teorijska stanovišta u sociologiji?

.....

Odgovor: Organsko, konfliktno, i interakcijsko.



9. Koja su tri osnovna postulata funkcionalizma po Robertu Mertonu?

.....  
.....  
.....

Odgovor: Postulat funkcionalnog jedinstva, univerzalne funkcionalnosti, funkcionalne neophodnosti.

10. Idealni Grčki polis za Platona čine:

.....

Odgovor: Filozofi-upravljачka klasa, vojnici-čuvari, proizvođači-ratari

11. Koja su tri postulata učenja Tome Akvinskog?

.....  
.....  
.....

Odgovor: Čovjek je po prirodi društven, u društvu postoji zajednica ciljeva i interesa i vlast je potrebna radi usmjerenja ljudi ka opštem dobru.

12. Ko se smatra utemeljiteljima sociologije?

-----

Odgovor: O.Kont, S.Simon, K.Marks, H.Spenser, E.Dirkem.

13. Koje faze čine proces naučnog istraživanja?

.....  
.....  
.....  
.....  
.....

Odgovor: Izbor i definisanje problema, postavljanje hipoteze, izrada projekta istraživanja, prikupljanje i obrada podataka, naučno tumačenje podataka, izvještaj o rezultatima istraživanja.

14. Šta je to anketa?

.....  
.....

Odgovor: To je pismeno prikupljanje podataka o stavovima i mišljenjima koje se uz pomoć upitnika provodi na odabranom uzorku.

15. Tipologiziraj društva na osnovu podjele na tradicionalna-----  
----- i moderna----- društva.

Odgovor: Tradicionalna su predindustrijska (horda, rod, pleme)  
Moderna su industrijska i postindustrijska

16. Društvo za Vebera je:

.....

Odgovor: Prost zbir pojedinaca

17. Kakva pokretljivost može biti?

.....

Odgovor: Horizontalna i vertikalna, unutargeneracijska i međugeneracijska.

18. Koje su to tzv. univerzalne društvene institucije?

.....

Odgovor: Obitelj,obrazovne,ekonomske, političke,religiozne.

19. Kakvi društveni statusi mogu biti?

.....

Odgovor: Pripisani i postignuti

20. U čemu se ogleda nejednakost među ljudima?

.....

Odgovor: Ekonomskoj sferi, ličnim sposobnostima, postignućima.

21. Kastama nazivamo\_\_\_\_\_

Odgovor: Izrazito zatvorene društvene grupe nastale na odgovarajućoj društvenoj podjeli rada u kojoj je društveni položaj pojedinca čvrsto određen

22. Kako dijelimo Hinduističko kastinsko društvo?

.....

Odgovor: Brahmani, Kšatrije, Vajsije i Sudre

23. Koja su tri karakteristična istorijska oblika društvene stratifikacije?

.....

.....

.....

Odgovor: To su kaste, staleži i klase

24. Koji su elementi morala?

---

Odgovor: Moralna norma, moralni sud, moralna sankcija

25. Pravo određujemo kao:

.....  
.....

Odgovor: Ukupnost društvenih normi koje donosi ali i sankcioniše država

26. Koji su elementi prava?

.....  
.....  
.....

Odgovor: Pravna norma-pravilo o ponašanju ljudi, pravna dispozicija-zahhtjev (u formi naredbe ili zabrane), pravna sankcija-prinudna mjera ili kazna koju primjenjuje država

27. Sa kojih pet odrednica Glenn Vernon određuje religiju?

.....  
.....  
.....

Odgovor: Vjera u natprirodno, vjerovanje u sveto, sistem vjerovanja i običaja, snabdjevanje moralnim definicijama, dio skupine (članova grupe)

28. Koja su četiri osnovna elementa religije?

.....  
.....

Odgovor: To je sistem teorijskih objašnjenja, cjelovit sistem vjerovanja, sistem osjećajnih predožbi, sistem različitih obreda(rituala)

29. Nabroj tri sekte?

.....

Odgovor: Rastafarijanci, Adventisti sedmog dana, Jehovini svjedoci, Mormoni

30. Šta uključuje materijalna a šta duhovna kultura?

.....  
.....

Odgovor: Materijalna-svi materijalni proizvodi koje je čovjek stvorio svojom rukom. Nematerijalna-ukupnost ideja normi, vrijednosti, osjećanja ljudi

31. Napravi podjelu grupa preme sljedećim kriterijima:

- Ø prema broju članova\_\_\_\_\_Odgovor: Velike i male\_\_\_\_\_
- Ø prema trajanju\_\_\_\_\_Odgovor: Stalne i privremene\_\_\_\_\_
- Ø prema izgledima ulaska i izlaska članova\_\_\_\_\_Odgovor: Zatvorene i otvorene\_\_\_\_\_

- Ø prema strukturi moći \_\_\_\_\_Odgovor: Autoritarne i egalitarne\_\_\_\_\_
- Ø prema stepenu formalizacije odnosa\_\_\_\_\_Odgovor: Formalne i neformalne\_\_\_\_\_
- Ø prema stepenu prisnosti i odnosa među članovima\_\_\_\_\_Odgovor: Primarne i sekundarne\_\_\_\_\_
- Ø prema stepenu i kvalitetu povezanosti pojedinaca u grupama\_\_\_\_\_Odgovor: Skupovi i zajednice\_\_\_\_\_

32. Kakve oblike braka kroz istoriju razlikujemo?

.....  
 .....  
 .....

Odgovor: Grupni brak, poligamija(polandrija i poliginija), monogamni brak

33. Koja su to dva osnovna tipa naselja?

.....  
 .....

Odgovor: Selo i grad.

34. Po kojim se sve kriterijima razlikuju selo i grad?

.....  
 .....

Odgovor:Arhitektonsko -urbanistički, demografski, ekološki, ekonomski, sociološki

35. Nabroj tri osnovna teorijska modela društvenih promjena?

.....

Odgovor: Evolucionistički, ciklični, dufuzionistički model

36. Kako definišemo devijantnost?

.....  
 .....

Odgovor: Svako skretanje sa društveno usvojenog puta, narušavanje normi i očekivanja određene društvene grupe ili određenog društva

37. Koje oblike devijantnog ponašanja poznajemo u društvu?

.....

Odgovor: Zločin, terorizam, alkoholizam, spolna devijantnost



45. Šta su društvene institucije?

.....  
.....

Odgovor: Određuju se kao sistem pravila, normi običaja i konvencija na kojima su utemeljene aktivnosti koje se formiraju oko značajnijeg središta pruštenih potreba i interesa.